

四庫全書

經部

欽定四庫全書

毛詩名物解卷八

宋 蔡卞 集解

釋鳥

烏 鷗 鵠 鴈 鷹 鷓鴣

鶴 鷓鴣 鳬 鷓

鳥

說文云烏孝鳥也象形林罕以謂全象鳥形但不注其

目睛萬類目睛皆黑烏體全黑遠而不分別其睛也烏
一名鴉其名自呼淮南子雅之啞啞鵲之喈喈豈為寒
暑燥濕變其聲哉詩曰莫赤匪狐莫黑匪烏蓋狐羣者
也烏合者也詩以況衛之君臣並為虐威其惡如一又
曰哀我人斯于何從祿瞻烏爰止于誰之屋言富人之
屋利之所在故烏集焉民之從祿將如是矣故大夫欲
王瞻之也抑曰匪手攜之言示之事此之謂也又曰具
曰予聖誰知烏之雌雄言幽王君臣俱自謂聖如烏之

黑而雌雄無以相別也管子曰鳥集之交初雖相謹後必相咄詩人每以為刺者非特譏其為惡如一亦刺其初皆利合不以道也鳥又為歎辭者蓋雅見虎則鳴見異則噪故以為鳥鳥庠歎所異也今人聞鵲噪則喜聞鳥則唾以鳥見異則噪故輒唾其凶尚書大傳曰愛其人者兼其屋上之鳥然則惡而知其善愛而知其惡者寡矣孫子曰鳥起者伏也鳥集者虛也言古善料者觀鳥起而知伏視鳥集而知遁傳曰鳥樂空曠鵲樂稠鬧

世云鴛交頸而感鳥傳涎而孕莊子曰烏鵲孺蓋謂是
歟又曰見鳥飛翅重知天將雨蓋烏陽物也感陰氣而
翅重故俗以此占其雨下淮南子曰騰蛇游霧而殆於
蜚蛆烏力勝日而服於離禮陽物也

鷓鴣

釋鳥曰晨風鷓鴣草木疏云似鷓黃色燕頷勾喙向風搖
翅乃因風飛急疾擊鳩鵲燕雀食之列子曰鷓鴣之為鷓
鴣之為布穀久復為鷓也孟子所謂為叢毆雀者鷓即

此是也詩曰鵙彼晨風鬱彼北林言穆公能庇其所賴而賢者赴之如此曾子曰國有道則突若入焉此之謂也且黃鳥仁晨風義而秦之良士以仁死賢臣以義生故黃鳥曰哀三良而晨風以刺棄其賢臣禽經曰鵙好風鵙惡雨然則謂之晨風可知矣又曰鵙之智不如鷗鷗之智不如鴈今鷗亦去來有時然其制字從鷗又可知矣

鵙

鵬狀似鷹而大黑色俗呼皂鵬一名鷖其飛上薄雲漢
詩曰匪鷖匪鳶翰飛戾天匪鱣匪魴潛逃于淵言民人
飛揚竄伏如此所謂亂也決起而飛曰翰料起者詩曰
如飛如翰蓋飛象料飛之形而翰從翰飛翰言以翼自
翰而上也今鴻鵠鵬鳶之類皆言翰爾雅曰象謂之鵠
玉謂之鵬蓋鵠之義出於鴻鵠之鵠鵬之義出於鵬鵠
之鵬鵠性勁利鵬性刻制故也今大鵬翱翔水上扇魚
令出沸波攫而食之一名沸河淮南子曰鳥有沸波者

即此是也禽經曰洶河在岸則魚沒沸河在岸則魚出

鴈

釋鳥曰鳬鴈醜其足蹠其踵企郭璞以為鳬鴈指間有
幕蹠屬相着故曰其足蹠是也又曰飛則其踵企直非
是也踵足後也蓋今鳬鴈之醜行則皆前幕布地而後
踵常企故曰踵企也以今鶩觀鴈行鴨觀鳬行則概可
見矣鴈行斜步側身故詩曰鴻飛遵渚公歸無所於女
信處鴻飛遵陸公歸不復於女信宿蓋鴻之為物其進

有漸其飛有叙其羽可用為儀君子之道也故以此喻
周公易曰漸之進也公歸東都則為進矣然未至西都
也故為不復易曰其羽可用為儀言不可亂也然則禮
有以鴻為儀者取其行列不亂而已禮曰前有師旅則
載飛鴻鴻飛則有行列故也載謂合剥皮毛舉之竿首
若禮所謂以鴻脰韜杠也周官以禽作六摯大夫執鴈
以其保身又欲有去就之義者而不失其序故執鴈也
蓋鴈夜泊洲渚令鴈奴圍而警察飛則銜蘆而翔以避

矰繳有遠害之道非特取其去就之義而已鹽鐵論曰
雍雍鳴鴈朝日始旦登得前利無蹈後害此言婚姻以
禮則有利而無後害也夏小正曰鴈北鄉鄉者何也鄉
其所居也何以謂之居也生且長焉耳又曰遞鴻鴈先
言遞而後言鴻鴈何也見遞而後數之則鴻鴈也且曰
遞則猶言乘傳云耳非其居也法言曰能來能往者朱
鳥之謂蓋燕一名立鳥鴈亦名朱鳥立鳥以春分來朱
鳥以春分去淮南子曰燕鴈代飛此之謂也且鴈霜降

南徂冰泮北徂其性惡熱故中國始寒而北至舊說鴻
鴈南翔不過衡山今衡山之旁有峯曰回鴈蓋南方地
極燠人罕識雪者故鴈望衡山而止陳琳曰陸陷蘄犀
水截輕鴻輕鴻毛也傳曰輕於鴻毛今人試刀以髮浮
轉於水而令刀斷之水截輕鴻殆類是也博物志曰鴻
毛為囊可以渡江不漏制字從江其以此乎或曰大曰
鴻小曰鴈鴻蓋從鴻大鳥也

鴈

鷹鷲鳥也一名鷲鳩左傳曰鷲鳩氏司冠蓋鷹鷲故為
司冠一曰一歲為黃鷹二歲為鷲鷹三歲為鷲鷲次
赤也埤倉音披免切鷹鷲二年之色也蓋頂有毛角微
起今通謂之角鷹詩曰維師尚父時維鷹揚言其武之
鷹揚如此樂記所謂發揚蹈厲太公之志也舊說凡鷲
鳥雛生而有慧出殼之後即於巢外放條大鷹恐其墜
及為日所曝熱暍致損乃取帶葉枝插其巢畔防其外
墮及作陰涼也欲驗雛之大小以所插枝葉為候若一

日二日其葉微萎尚帶青色至六日七日其葉草微黃
十日後枯瘁此時雖大可取說文曰癰從瘡省蓋癰從
疾省佳之疾捷者故從疾省也隨人所指蹤故從人禽
經曰鷹不擊伏鵠不擊妊蓋其義性如此裴氏新書曰
虎豹無事行步之時若將不勝其驅鷹處衆鳥之間若
睡寐然積怒而全剛生焉越之報吳用此道也

鵠鵠

鵠鵠一名鵠似鳬腳高毛冠巢於高木生子穴中子銜

其母翅飛上下淮賦所謂鷓鴣吐雛於八九鷓鴣銜翼而低昂者也段氏云鷓鴣鬼鷓鴣厭火孔雀避惡舊說此鳥長目而睛交故有鷓鴣之號相如所謂鷓鴣旋目者是也禽經曰旋目其名鷓交目其名鷓方目其名鷓矣

鶴

鶴形狀似鵝青腳素翼常夜半鳴故淮南子曰雞鳴將旦鶴警夜半其鳴高亮聞八九里雌者聲差下舊云此

鳥性警至八月白露降流於草木涓滴有聲因即高鳴
相警徙所宿處慮有變害也蓋鶴體潔白舉則高至
鳴則遠聞性又善警行必依洲嶼止必集林木詩易故
以為君子言行之象始生二年落子毛三年產伏七年
飛薄雲漢後七年學舞後七年應節後七年晝夜十二
鳴中律後六十年不食生物大毛落茸毛生色雪白泥
水不能汚百六十年雌雄相視目睛不轉而孕千六百
年飲而不食聖人在上則與鳳凰游於甸其精神氣骨

應相禽經曰鶴以怨望鵠以貪顧雞以嗔視鴨以怒瞋
雀以猜瞿燕以狂眈視也鶯以喜轉鳥以悲啼鳶以飢
鳴鶴以潔唳梟以凶呌鷁以吉嘯鳴也今鶴雌雄相隨
履其跡而孕傳曰鶴影生黿男化也

鷓鴣

鷓鴣食魚似鷓而黑一名鷓鴣背曲如鉤其骨主鯁及噎
蓋類而推者也此鳥吐而生子神農書所謂鷓鴣不卵
生而吐其雛獨為一異是也楊子孚異物志云鷓鴣沒

於深水取魚而食之不生卵而孕雛於池澤既胎又吐
多者七八少者五六相連而出若絲緒然水鳥巢於高
木之上

鳧

鳧有不可畜者能及人也為得已焉有可畜者能及人
而止為居石焉

鵲

尾長而走且鳴則其首尾鵲如也

毛詩名物解卷八

欽定四庫全書

毛詩名物解卷九

宋 蔡卞 集解

釋獸

麇 兔 鹿 麝 犀 麀

虎 獠 彪 狼 狐 獨驕

駢 縱

麇

麋麒麟土畜也信至應禮以足至者也音中鍾吕行中規
矩不羣居不旅行不入陷穽不罹羅網王者至仁則出角
端有肉示有武而不用不踐生草不食生物有愛吝之道
故麋從吝牡麒麟北麋陰主吝畜故有曰吝也詩曰麟之趾
之定之角始於趾終於角言德以升進為美也易曰德言
盛故是詩每況愈上爾雅曰麋似麋一角故西狩獲麟曰
有麋而角也或曰麋肉角鳳肉味皆示有武而不用也傳
云麟似麒麟而無角案爾雅曰驪如馬一角不角者麒麟則

麟從麒麟省不角故也或曰詩序以為皆信厚如麟趾之時從吝以厚故也從其以信故也其信也其者指物之辭

兔

兔口有缺吐而生子故謂之兔吐也舊說兔者明月之精視月而孕故楚辭曰顧兔在腹言顧兔在月之腹而天下之兔望焉於是感氣禮云兔曰明視亦此意也蓋咀嚼者九竅而胎生獨兔雌雄八竅故陶氏書云兔舐雄毫而孕五月而吐子而里俗又謂視顧兔而感氣故

卜秋月之明暗以知兔之多寡也今孔雀亦合蓋先儒以孔雀聞雷而孕則兔雖舐毫而其感孕以月理或然也月缺也故其口缺詩曰肅肅兔置施于中林蓋椽木之丁丁以有所聞施于中逵以有所見施于中林則無所聞無所見於是焉肅肅則好德之至也故詩以此為德徐幹中論曰肅肅兔置施于中林處獨之謂且先王之化言格於芻蕘行至於雉兔然後為博故是詩正言兔置而叙者以為莫不好德也古今注曰兔口有缺尻

有九孔今尻於文從九蓋生於兔也內則曰兔去尻狐
去首蓋狐亦正丘首不忘本也說文無兔字以免為兔
兔生自口而出宜有留難而後免故字又通為免俗作
兔非也今兔身亦謂之分婉蓋物之產乳莫易於羊莫
難於兔故羊子曰達兔子曰媿達之為言羊也媿之為
言兔也兔足前卑後倨其形俛又從免也冤字從免古
之說冤者以為位彌高而志彌恭其以此乎內則曰姆
教婉婉聽從蓋婉妻道婉母道聽婦道從姑道也

鹿

卷九

字說曰鹿性警防相背而食以備人物之害蓋鹿羣居善走者也分背而食則相呼羣居則環其角外向以備物之害已故詩以況君臣之義而詩草蟲經曰鹿欲食則皆鳴相召志不怠也蓋鹿愛其類發於天性周官曰視朝則服皮弁正以鹿皮為之蓋取諸此詩曰王在靈沼於物魚躍王在靈囿鹿攸伏言人之與物異類則魚見之深入鹿見之決驟今魚樂於沼鹿安於囿如此

則以文王之德行於靈沼靈囿而有以及之故也小爾
雅曰鳥之所乳謂之巢雞雉所乳謂之窠兔之所息謂
之窟鹿之所息謂之場詩曰叮嚭鹿場言叮嚭之中無
人焉故鹿以為場也

麝

釋獸云麝父麝足如小鹿有香故文從鹿從射虎豹之
文來田麝之香來射則皮與臍為之累今商汝山中多
羣麝所遺糞常就一閭雖遠就食還走其地不敢遺跡

他所慮人獲之人反以是從跡其所在必掩羣取之蓋麝絕愛其香每人所迫逐勢且急即自投高巖舉爪剔出其臍就繫且死猶拱四足保其臍吳筠猿賦以為麝懷香以賈害狙伐巧以招射蓋謂是也陶氏云麝形似鹿今俗謂之香麝常食柏葉故養生論云風處頭而黑麝食柏而香也又曰啗蛇今以蛇蛻裹之彌香夏月食蛇多至寒香滿入春而臍內極痛即以爪剔出之置尿溺之中皆有常處蓋象退牙犀退角麝退香皆輒藏覆

知自珍其貨

犀

犀性絕躁似豕一管三孔毛大腹卑腳腳有蹄黑色三角一在頂上一在額上一在鼻上在鼻者即食角者也小而橢好食棘亦有一角者交州記曰犀有二角鼻上角長額上角短或曰三角者水犀也二角者山犀也在頂謂之頂犀在鼻謂之鼻犀犀有四輩其紋或如爛椹或如狗鼻者上黔一犀無文螺犀文旋特犀文細牯

犀文大而勻舊說犀之通天者惡影常飲濁水重霧厚
露不濡其裏白星徹端世云犀望星而入角即此也可
以破水駭雞蓋犀之美者有光故雞見影而驚其次角
理復有正插倒插正插者角腰已上通倒插者角腰已
下通亦以尖花小而根花大者謂之正插根花小而尖
花大者謂之倒插故南人以牙為白暗以犀為黑暗亦
難別也犀亦絕愛其角墮角埋之王粲游海賦羣犀代
角巨象解齒是也周官函人為甲犀甲七屬兕甲六屬

蓋犀草甲差劣於兕七屬增一也或曰翡翠屑金人氣
粉犀犀最難擣惟鋸犀成小塊以極薄紙裹置懷中令
近肉以人氣蒸之候氣蒸潤乘熱投臼中急擣應手如
粉

麈

麈獸似鹿而大其尾辟塵以置褱帛中能令歲久紅色
不浣又以拂紈不蠹蓋蠅點變白麈尾留紅而狐白貂
鼠之類燕見之則毛脫物有相制其異如此今麋鹿醜

亦喜紅南人取之則衣赭服而舞麋鹿注視不動因以利刃刺之名苑曰鹿之大者曰麋羣鹿隨之皆視麋尾所轉為準於文主鹿為麋而古之談者揮焉良為是也恩平郡譜曰沉牛謂之回沙牛謂之磨鹿謂之荒麋謂之擢

虎

虎奮衝破又能劃地卜食蓋蛇蟠向壬鵲巢面歲燕伏戊巳虎奮衝破此亦鳥獸之所以靈也兵法曰將門牙

門常背建向破其以此歟類從曰虎行以爪坼地觀音
偶者曰虎卜云簡兮曰執轡如組有力如虎組以言其
藝虎以言其勇常武曰厥進虎臣闕如琥虎蓋虎之自
怒琥然闕如琥虎則以言帥之勇發於忠毅非激而怒
之也何草不黃曰匪兕匪虎率彼曠野哀我征夫朝夕
不暇言兕抵觸虎搏噬先王驅而遠之則率彼曠野兕
虎之所宜今征夫如此則可哀矣爾雅曰熊虎醜其子
狗絕有力麋漢律曰捕虎一購錢三千其狗半之是也

方言曰虎陳魏宋楚之間謂之李公江淮南海之間謂之李耳注云虎食物值耳即止以觸其諱故然則仁人之於親聞名心瞿見似目瞿豈自外至哉吳越春秋曰虎之卑身將有以擊也蓋鳥之擊先高獸之擊先卑舊說虎威王夜方旦目精豆晝即漸大又云虎死必倚巖壁淮南子曰虎之乳子不能搏噬者殺之為其墮武此君子所以貴夫箕裘也

猱

獠體柔而善猜者也猜者犬之性而獠善猜故從犬又猜以八人者讒佞也其狗獠馬角弓論幽王之好讒佞則曰無教獠升木如塗塗附

厖

厖金獸也秋則得氣之正故天子於秋食之金為剛故字從阜故畜之而能擾成豪則剛果而善相慝未成豪則能吠而已能吠而大故謂之厖犬以牙為威者長喙則所制者衆故謂之獠雖喙短亦足以揚而肆其力故

謂之獨驕爾

狼

狼犬類而長者也剛則強而樂取故牝謂之羆柔則剛而自守故牡謂之狼知進而不知退者也羆知剛知柔者今狼也詩曰狼跋其胡載疐其尾言乎不逆而動也夫胡跋則可上而不可退退則觸尾尾疐則可就而不可進進則踢胡能委順以解之身逸而體全矣故疐跋之難而不能害之謂狼讒巧之敗而不能失之之謂聖

狐

狐性之不果於進者也人疑則衆垂而不附獸疑則羣離而不親故謂之狐疑者好思而難其動也故狐貉之厚以居而為逍遙服南山之詩曰南山崔崔雄狐綏綏疑而不明也何草不黃曰有兌者狐率彼幽草君不明而臣疑其上也

獨驕

犬短喙曷以為驕也

駁

駁類馬駁食虎虎食馬凡類已也而能除已害者在所交也

縱

豕俯而聽有職者如之生一曰特猶之正也生二曰師猶之師也生三曰縱猶之師帥而從之者也

毛詩名物解卷九

欽定四庫全書

毛詩名物解卷十

宋 蔡卞 集解

釋獸

麇 兕 豺 獺 熊 豹

羊 牛 貉 豸 豸

麇

崔豹古今注曰鹿有角而不能觸麇有牙而不能噬麇

麋也齊人謂麋為麋麋如小鹿而美故從麋也章美也
易曰陰雖有美含之以從王事古之制字如此麋從章
麋從音其義一也語曰四足之美有庶庶即麋也或曰
麋性善驚故從章吳越春秋曰章者倬惶也蓋麋鹿皆
善駭而麋尤怯飲水見影輒奔道書曰麋鹿白膽善驚
為是故也詩曰野有死麋白茅包之云考工記曰山以
麋水以龍言畫水必以龍畫山必以麋也麋山物也蓋
麋性喜山麋性喜澤鹿性喜林故林屬於山為麓而其

字從鹿麋者鹿之所在故也鹿林獸也麋澤獸也博物志曰麋掘澤草而食其場成泥名曰麋暖民隨此暖種稻不耕而穫其收百倍麋性羣聚故從困困聚也語曰市無赤米而困鹿空虛先儒以為圓曰困方曰鹿蓋鹿亦羣聚故困或謂之鹿也

兕

釋獸曰兕似牛重千斤一角青色其皮堅厚可以制鎧故水剗蛟龍陸斷犀兕蓋取諸此吉日曰發彼小豝殪

此大兕言能中微而制大也老子曰兕無所投其角兕
善抵觸先王制罰爵以兕角為之蓋酒陽也發人之剛
其過則在抵觸故先王制此以為酒戒詩曰兕觥其觶
旨酒思柔此之謂也四升曰角角觸也與此同意

豺

釋獸曰豺狗足豺似狗而長尾白頰高前廣後其色黃
季秋取獸四面陳之以祀其先世謂之豺祭獸故先王
候之以田禮記所謂豺祭獸然後田獵是也詩曰取彼

讒人投畀豺虎豺虎不食投畀有北有北不受投畀有
昊蓋豺虎以殺為性則宜無所不食有北北方寒涼不
毛之地今日豺虎不食有北不受且付昊天制其罪則
惡之至也記曰好賢如緇衣惡惡如巷伯為是故也漢
律捕虎一購錢三千豺一購錢百豺虎皆害物之尤者
也故詩併言之俗云豺羣噬虎言其健猛且衆可以窘
虎也又曰瘦如豺豺柴也豺體細瘦故謂之豺舊說豺
獺祭天又或以謂皆自祭其先云疑此二物祭帝而其

先與之焉禮曰萬物本乎天人本乎祖故曰人而不祭豺獺也

獺

獺獸西方白虎之屬似狐而小青黑色膚如伏翼水居食魚孟子所謂為淵毆魚者獺也亦自祭其先記曰獺祭魚然後漁人入澤梁是也蓋獺取鯉於水裔四面陳之進而勿食世謂之祭魚其字從獺與豺從才同意援神契曰蜃多獺故不使超揚獺才也舊說蟾肪合玉獺

膽分卮又曰熊食鹽而死獺飲酒而斃此類之不推也
淮南子曰鵲巢知風之所自獺穴知水之高下言歲多
風則鵲作巢卑水之所及則獺移穴其預知有如此矣
或曰獺一歲二祭豺祭方獺祭圓言豺獺之祭皆四面
陳之而獺圓布豺方布又曰獺祭魚數七缺七蓋不祭
也傳曰獺髓滅癰說者以謂獺嗜魚腦其髓故能滅癰

熊

熊似豕山居冬蟄其膽春在首夏在腹秋在左足冬在

右足說文能獸堅中故賢能而強壯稱能傑也能罷亦
堅中故熊從能罷從熊也能好舉木而引氣謂之熊經
莊子所謂熊經鳥伸是也冬蟄不食飢則自舐其掌故
其美在掌孟子曰熊掌亦我所欲也周官射則共熊侯
豹侯蓋諸侯服猛下王德一等故其射共熊豹侯而已
又曰田役則設熊席熊席則以蒞衆尚毅故也亦以其
溫呂子曰君居則狐裘坐則熊席云云鬼谷子曰分威
法伏熊說者以為熊之擊搏先伏而後動

豹

豹花如錢黑而小於虎文易曰君子豹變小人革面言能革小人之面而已召南之事是也古今注曰豹尾車周製也所以象君子豹變尾言謙也晉人刺其在位不惜其民而其詩一章言羔裘豹祛至自我人究究言大夫體柔以剛文之而已今其用暴如此則非所以稱其服也居居以言其不通究究以言其不恕豹祛下大夫也詩曰羔裘豹飾又言國君體柔而文之以剛其義上

達也王藻曰狐裘豹褱立衣以裼之羔裘豹飾緇衣以裼之則豹飾明非褱矣毛詩傳曰飾謂緣以豹皮則緣領蓋人君之服管子曰上大夫豹飾列大夫豹褱此齊一時之數非古也俗云虎豹之駒未成文初皆翠密及長蛻毛然後疎煥蓋亦養而成之傳曰文豹隱霧七日不食欲以澤其毛衣皆成文采殆謂是也語曰豹死留皮人死留名故君子疾沒世而名不稱焉廣志曰狐死首丘豹死首山言不忘本也豹一名程列子曰程生馬

古詩曰餓狼食不足飢豹食有餘言狼貪而豹廉有所
程度而食其字從勺當為是也

羊

羊性善羣故於文羊為羣犬為獨也蓋羊每成羣則一
雄為主舉羣聽之今俗所謂壓羣者是也北人謂之羊
頭詩曰爾羊來思其角濺濺羊前其剛以觸者也故以
其角聚為善又曰爾羊來斯矜矜兢兢不騫不崩麾之
以肱畢來既升矜矜言羊之愛牧人也兢兢言羊之畏

牧人也牧之道擾之以順其性故能使物愛之之以制其放故能使物畏或降于阿或飲于池或寢或訛所謂擾之以順其性也麾之以肱畢來既升所謂支之以制其放也傳曰騫虧也崩羣疾也蓋羊之為物以瘦為病而又死善耗敗故不騫不崩本羊言之也禮云羽鳥曰降四足曰漬漬者謂死相漬漬而善耗敗也六畜之死皆善耗敗而羊為甚故詩如此徐鉉曰羊主給膳以瘦為病故羸字從羊亦豕善肥羊善瘦故羸從羊也詩曰

不騫為是故也易曰允為羊羊性前止故也蓋羊性前
逆牛性前順故傳以為使堯牽一羊舜荷箠而隨之不
能前矣又曰今使烏獲藉蕃從後曳牛之尾絕而不從
者逆也若指之桑條以貫其鼻則五尺童子牽而周四
海矣詩曰羊牛下來先羊而後牛者羊性畏露晚出而
早歸當先於牛故也內饗曰羊泠毛而毳羶犬赤股而
躁臊蓋言羊泠毛而毳則羶犬赤股而躁則臊矣皆物
之不可食者故於文臊從燥省羶從羶省也鄭氏以為

冷毛而毳毳謂毛別聚羶不解者是也管子曰山高而不陲則祈羊至矣淵深而不涸則沉玉極矣或言羊或言玉相備也

牛

孔子曰牛羊之字以形舉也牛象角頭三尾之形牛土畜馬火畜也土緩而和火性健決躁速故易坤為牛乾為馬且乾陽物也馬故蹄圓坤陰物也牛故蹄折陽病則陰勝故馬疾則卧陰病則陽勝故牛疾則立馬陽物

也故起先前足卧先後足牛陰物也故起先後足卧先
前足而世之學者以謂坤牛取順乾馬取健蓋知其一
而已詩曰爾牛來思其耳濕濕以言潤澤也蓋牛之為
物安則耳濕病則燥冷故古之視牛者以耳祭義所謂
大夫袒而毛牛尚耳是也抱朴子曰鴈銜蘆而扞網牛
結陣以卻虎蓋牛善觸虎環其首外觸虎雖猛巧不能
制也傳曰禘郊之牛角繭栗宗廟之牛角握社稷之牛
角尺詩曰殺時犇牡有捄其角捄長貌社稷之牛角尺

故曰有捄其角也禮云牛曰一元大武六牲之號牛曰一元大武號最為美者牛大牲故也周官曰牛夜鳴則廄說文云廄久屋朽木牛夜鳴則廄臭如朽木也蓋牛膏曰香故其臭朽則不可食矣封人曰凡祭祀飾其牛牲即莊子所謂衣之以文繡者也

貉

貉之性不與物間不為物宗故為居服為賤者之裘詩曰一之日于貉取彼狐狸為公子裘言于則有見於逞


非必得之辭言取則得之矣其時則可以為貉其志則在于取狐狸而已緩於賤而要於貴

斚

斚牡白麋絕有力斚者力足以發物而搆獻之故也字從开七月詩云言私其穧獻斚于公絕有力猶能獲之以獻況力弱者乎縱小而斚大大者公之小者私之豈民豈貪取而無厭哉

貍

貍貉之小善止者也雖小而善止者易獲蓋待獸獵而後得之故伐檀曰不獸不獵胡瞻爾庭有懸貍兮



毛詩名物解卷十

欽定四庫全書

經部
毛詩名物解卷十一至二十

詳校官監察御史臣左周

通政司副使臣莫瞻菴覆勘

覆校官檢討臣李學錦

校對官檢討臣龔大萬

謄錄舉人臣汪志伊

欽定四庫全書

毛詩名物解卷十一

宋蔡卞集解

釋蟲

蟻 蠅 蠨蛸 蠋 蜂 螽斯 騰蛇

蛇 虺 蜎蛇 蜚蛆

蟻

莊子曰道在螻蟻蟻有君臣之義故其字從義繁露曰

人者仁也我者義也故其義字亦從我記曰蛾子時述
之其字從我是也書曰王麻冕黼裳卿士邦君麻冕蟻
裳明王於此斷恩而蟻裳又言申君臣之義也詩曰鸛
鳴于垤垤蟻塚也蓋蟻將雨則出而壅穴鸛見之長鳴
而喜易林所謂蟻封穴戶大雨將集是也一名蟻封傳
曰蟻封盤馬孟子曰泰山之於丘垤趙岐曰垤蟻封也
莊子曰於蟻棄智於魚得計於羊棄意言慕人之與使
人慕之皆不可爲也故至人之計在於物我兼忘其藏

也不厭深眇而已矣又曰得時則蟻行失時則鵲起蟻行遼遲有序需而不速君子得時其廉於進如此夏小正曰玄駒駒者蟻也方言曰梁益之間謂之玄駒莊子曰鰲之冠山蟻之戴粒其於逍遙一也此即南華鵬鷖之義言小大雖殊而理各至足豈容勝負於其間哉

蠅

蠅好交其前足有絞繩之象故蠅之字從繩省準生於隼繩生於蠅其義一也亦好交其後足搖翅自扇故爾

雅曰蠅醜扇也段氏曰蒼蠅聲雄壯青蠅聲清聒聲皆在翼又曰青蠅尤能敗物蓋青蠅善亂色蒼蠅善亂聲故詩以青蠅刺讒而東方未明曰匪鷄則鳴蒼蠅之聲也一章言耳聞疑而起也二章曰月出之光言目見似而起也青蠅首赤如火背若負金蒼蠅又其大者肌色正蒼今俗謂之麻蠅傳曰以冰致蠅蓋蠅逐臭者喜暖而惡寒故遇冰輒側翅遠引所謂夏蟲不可以語冰者也類從曰蠅生於灰蓋蠅墮水溺死以置灰中須臾即

活淮南子以爲爛灰生蠅正謂此也

蠨蛸

釋蟲云蠨蛸長跼蕭蛸長跼之貌故名郭璞曰今小蜘蛛長股者俗呼喜子亦如蜘蛛布網垂絲着人衣裳有親客至荊州河內之人謂之喜母陸子曰乾鵲噪而行人至蜘蛛集而百事喜蓋謂是也詩曰蠨蛸在戶

蠋

蠋如指似蠶一名厄詩曰絳革金厄金取其堅厄取

其完也又謂蛸蛸者蠋烝在桑野言蠋以絲自裹又久在桑野雖蠋而已然其自營也完矣詩以此托況而敎曰一章曰其完也韓非子曰蠶似蛇蠶似蠋人見蛇則驚駭見蠋則毛起婦人拾蠶而漁者握蠶故人利之所在皆爲賁育莊子曰奔蜂不能化藿蠋以言材之有大小管子曰夫龍欲小則化如蠶蠋此言龍化如蠋而已然抱朴子以爲有蛇蠋化成之龍意者天下有自然之龍有蛇蠋化成之龍乎故曰或生而知之或學而知之

及其成功一也

蜂

蜂有兩衙應潮其主之所在衆蜂爲之旋繞如衛誅罰
微令絕嚴有君臣之義化書曰蜂有君臣其毒在尾垂
尾如鋒故字從鋒省傳曰蜂蠆垂芒此之謂也詩曰莫
予并蜂自求辛螫并蜂使人爲辛螫之譬也言蜂善辛
螫藏精有毒雖小不可不慎爾雅曰蜂醜螫螫垂腴也
一名蠆其字象形蓋蜂類衆多動以萬計故借爲萬億

之萬舊說數人以千數物以萬莊子曰號物之數謂之萬抱朴子曰雞有專棲之雄雉有擅澤之矯蟻有兼弱之智蜂有攻寡之計援理觀之人之強弱相制衆寡相攻何以異此是故齊與魏闔而莊周以爲戰於蝸角也

蝸斯

蝸斯蟲之不如忌一母百子故詩以爲子孫衆多之況鵲巢言夫人德如鴈鳩能均養七子而已是詩乃稱后妃之子孫衆多如此者蓋太姒則百斯男者文王之所

以聖也文王之所以聖者天道也召南則人道而已何
足以與此螽斯一名春黍或謂之春箕草木疏曰蝗類
青色長角長股股鳴者也或曰似蝗而小黑股有文五
月中以兩股相切作聲聞數十步者是也詩曰五月斯
螽動股言螽斯股成而奮迅之也爾雅曰螽醜奮蓋於
是時股成而奮迅之方春尚弱也故列子曰吾力堪秋
蟬之翼折春螽之股蔡邕月令曰其類乳於土中深埋
其卵江東謂虬蛸又謂蚱蜢善害田穉公羊傳曰螻何

以書記災也。或何以書記異也？字蓋從冬，冬終也。至冬而終，故謂蝻也。

騰蛇

騰蛇，龍類也。雄鳴於上風，雌鳴於下風。而風化能興雲霧而游其中。慎子曰：騰蛇游霧，飛龍乘雲，是也。荀子曰：騰蛇無足而飛，梧鼠五技而窮。言梧鼠之技雖多，不如騰蛇之結於一也。故窮墨子曰：靈龜近灼，神蛇近暴。傳曰：靈蛇棄鱗，神龍解角。以言至人達士超世拔俗，委蛻。

萬物

蛇

魚屬連行詩曰委蛇蓋取諸此傳曰退食自公委蛇委蛇謂從者也衡而委蛇必折故序言正直洪範三德一曰正直中德也其行委蛇以其德在剛柔之中太史公曰大直若屈道固委蛇有是哉此之謂也舊說蛇盤向壬壬北方也周官曰龜蛇爲旐先儒以爲龜蛇象其扞難避害蓋龜甲者也而蛇擊前則尾應擊後則首應自

腰擊之則首尾俱應有兵之象故龜蛇合體謂之玄武
易曰一陰一陽之謂道而玄朔者道之所在陰陽之理
具焉舊說牛以鼻聽蛇以目聽語曰蛇聾虎聾其以此
乎

虺

虺狀似蛇而小語曰爲虺弗摧爲蛇奈何以此故也正
曰之詩曰哀今之人胡爲虺蜴虺一名蝮蝮博三寸首
大如擘舊說蝮蛇毒在首螫手則手斷螫足則足斷蛇

之尤爲毒烈者也一日蝮與虺異虺如土色所在有之
蝮蛇鼻反其上有斜錦文衆蛇之中此獨胎產生輒拆
裂母腹字從蝮其以此乎亦有與蛇同色者

蚺蛇

蚺蛇尾圓無鱗身有斑文如故暗錦纈難死似鼉行地
常俯其首膽隨日轉上旬近頭中旬近心下旬近尾南
人云俗取其膽入藥即以線合其瘡縱之後遇捕者輒
自見金瘡以明無膽亦其智也

螂蛆

爾雅曰蒺藜螂蛆廣雅曰螂蛆蜈蚣性能制蛇卒見大蛇使緣而啖其腦莊子曰螂蛆甘帶是也今俗謂之百足魯連曰百足之蟲斷而不蹶則其所恃者衆也一名𧈧方言曰馬𧈧北燕謂之蛆𧈧其大者謂之馬陸一名商距莊子使蚊負山商距馳河

毛詩名物解卷十一

欽定四庫全書

毛詩名物解卷十二

宋蔡卞集解

釋蟲

螢

蟋蟀

蛄蜺

阜螽

蟪蛄

蛾

蟹

蝶

莎雞

蜩

螟蛉

蜴

蝥蟧

熠燿

蜉蝣

螢

夜飛腹下有火故字從熒省螢小火也月令季夏曰腐
草爲螢不言化者不復爲腐草也傳曰螢帶火而宵行
是故秋陰數雨螢火夜飛之時一名挾火一名據火一
名熠燿詩曰熠燿宵行今西北多螢火大者如棗其小
者尚如蠶蠋行輒有光正曰宵行以此故也詩傳曰熠
燿燐也燐螢火也先儒以爲老槐生火血久爲燐燐非
螢火誤矣蓋燐者微火之名故此兩者通謂之燐廣雅
曰景天螢火燐也而古今注亦以爲螢食蚊蚋一名夜

光一名宵燭一名燐然則燐亦螢火明矣崇有論曰鳥
無胃而生螢無胃而育

蟋蟀

蟋蟀似蝗而小善跳正黑光澤如漆一名蜚一名促織
語曰促織鳴懶婦驚有悲率之義故曰蟋蟀之道也曹
奢而迫唐儉而勤故詩一以蜉蝣一以蟋蟀刺之詩曰
蟋蟀在堂歲聿云莫在堂九月之時也九月建戌於文
禾千爲年步戌爲歲一章曰職思其居言於行思其居

也二章曰職思其外言於內思其外也三章曰職思其
憂言於樂思其憂也序所謂憂深思遠有堯之遺風此
也詩曰十月蟋蟀入我床下言蟋蟀微物也猶知隨時
可以人而不如乎故曰物有微而志信人有賤而言忠
也傳曰蟋蟀之蟲隨陰迎陽一名吟蛩秋初生得寒乃
鳴

蛭蛭

蛭蛭一名蛭娘爾雅所謂蛭蛭蛭娘是也黑甲翅在甲

下五六月之間經營穢場之下車走糞丸一前挽之一
後推之若僕人轉車久之輒羽化而尸解仙去也莊子
蛄蜺之智在於轉丸夫以蜘蛛蛄蜺之智也猶知能布
網轉丸則萬物付之自然各有解矣此莊列之徒所以
欲擺工倖之指也淮南子曰周鼎著倖使銜其指以明
大巧之不可爲正謂是歟故抱朴言玄蟬潔飢不如蜨
娘穢飽故囿之簞瓢有以輕猗頓之富

阜螽

爾雅曰阜螽蟻亦名負蟻蓋草蟲鳴阜螽躍而從之故
阜螽負草蟲謂之負蟻也詩曰嘒嘒草蟲趯趯阜螽言
大夫妻求而進疾於聽從如此扶杜亦云者蓋言赫赫
南仲薄伐西戎故從役之大夫婚姻得以及時如召南
之世也豈特大夫而已蓋其下者歸亦以時得及婚姻
祭祀蠶耕之事故曰春日遲遲至檢狃于夷

蟻蟻

爾雅曰蟻蟻螬蟻螬蟻螬蓋蟻蟻一名螬本草亦曰一名

蠚蟻舊說蝥蟻生於木中內外潔白蠚蟻生糞草中外黃內黑亦或謂之蟻螯是也大者如足大指以背行乃駛於足造化權輿曰蛇豸腹竄蟻螯背行

蛾

博物志曰食桑者有蛹而蛾蛾類皆先孕而後交蓋蛹者蠶之所化蛾者蛹之所化荀子曰蛹以爲母蛾以爲父是也蛹一名蠹蛾一名羅孫炎爾雅正義謂蠹是雄蛹是雌羅雄蛾雌似黃蝶而小其眉勾曲如畫詩以譬

莊姜今一種善拂燈火夜飛蛾一名慕光亦其類也

蠶

爾雅曰國貉蟲蠶郭璞云今呼蛹蟲爲蠶廣雅曰土蛹
蠶蟲也舊說蠶爲蟬身乳子已繭化而成蛆俗呼蠶子
入土爲蟬爾雅曰強醜將即此是也羣飛草上好以手
摩捋其鬚其物稍強因名之蠶蓋蟲之知聲者也

蝶

蝶粉翅有須一名蝴蝶列子曰蝴蝶胥也烏足之根爲

蟻螯其葉爲蝴蝶嘗見園蔬其葉爲蝴蝶者有三分二已蝶矣其一尚葉也干寶曰稻成螭麥成蛺蝶豈虛語哉

莎雞

小蟲黑身赤首一名樗雞一名天雞爾雅曰翰天雞蓋其鳴以時故有雞之號詩曰六月莎雞振羽言於是時莎雞羽成而振迅之也草木疏曰如蝗而斑色毛翅數重其翅正赤六月中飛而振羽索索作聲幽州人謂之

蒲錯古今注曰莎雞一名絡緯謂其聲如絡緯也俗云絡緯雄鳴於上風雌鳴於下風而風化

蜩

蜩蟬五月鳴蜩也譁以無理則用口而已然其聲調而如緝故謂之蜩五月鳴謂之蜩以其聲也七月鳴謂之蟬以其生之寡特形之單微也螻蛄所化謂之蜩蟬蜩有文故或謂之蜻蟬無文或謂之夷詩曰如蜩如蟬蜩大而蟬小蜩言其譁而無理蟬言其夷而無文

螟蛉

螟蛉者蟲之感氣而化者也然所化必以類故惟桑嫫
爲能取之以爲己子君子之於民亦類也苟有道以得
之孰不爲化哉詩曰螟蛉有子蜾蠃負之則能以氣化
其類者也故譬則君冥者無知令者有以從無知則有
從所以能化於物也故譬則民桑嫫之爲物其氣腴白
螟蛉有以氣化故其氣清

蜴

蜴蜥也其類似多而所生異蓋在陸者蟲屬在水者
魚屬蜴蜥在汙澤者也或謂之蛇醫守宮祝蜥在野者
也鱸蟾蜍在室者也然蜴非常候蛤蚧者也二者大
而能鳴蜴非能鳴也正月云哀今之人胡爲虺蜴言徒
陰伏蕩不平之氣而不能有聲

蝥蛄

蝥蛄桑蟲也桑質柔腴白蝥蛄食桑之腴故色白而體
柔

熠燿

熠燿謂之燐幽陰之血化而爲燐者也言吝而不能廣照也芟本之腐草化而爲螢螢者火華之細者也非燐也萬物以情動故物變於外而情動於內東山之民所以見燐而有懷也其幽陰之血所化故疑於可畏然而有懷役之思而忘其所畏故曰亦可畏也伊可懷也

蜉蝣

蜉蝣輕也朝生而暮死故謂之渠略生於夏月陰陽氣

之卑濕而浮游者故其爲物不實而小曹君無篤實之德而從其小體若此刺其甚矣

毛詩名物解卷十二

欽定四庫全書

毛詩名物解卷十三

宋蔡卞集解

釋魚

鱖 鯉 魴 鼉 龜

鱖

鱖鮓也人能以魴節而必取之也不以法度則不足以得之故必以緩細之數九罟是也

鯉

鯉易得之魚甘而無毒足以養人者也故字從里衡門
先魴而後鯉先其至美者也魚麗言萬物盛多故自其
多得言之先之以鱠鯢次之以魴鯉潛言備饗獻之物
自其大者言之先之以鱣鮪次之以鰪鱮又次之以鯉
鯉大而至於鱣小而至於鯉此潛之所謂多魚也

魴

魴寡力而易困者也勞則尾赤以寡力之性而入勞矣

其易困也尤甚故汝墳喻商餘憔悴之民禮物得其正則美而無思魚陰物魴爲至順故爲味肥甘而衡門有至美之意以不可必得者也以魴之幽陰則喻其居之靜以魴之柔順易制而肥甘則喻齊女之美鰾不可多得之魚故字從嘗與直從且同意惟其甘而不可多得之魚且能盛多此魚麗所以首言之也鰾鯪固美矣而不可多得故美不足以言而以多爲貴詩曰旨且多言其旨而又多也魴鯪固多矣而陰陽一有暴戾之氣則

不美矣故多有不足以言而以美爲貴詩曰多且旨言其多而又旨矣鰾鯉故多矣而又美取之爲易食之而甘旨也多也皆不足以言而以時取之爲貴詩曰旨且有蓋不時不足以爲有也春行羔豚夏行腍脯秋行犢麋冬行鱸羽蓋性至此而後定則食之皆所以順時氣故有得之而致美乎滋味也

鼃

鼃從黽腹大之形鼓腹大而鳴之而遠聞故謂之鼃鼃鼓

鼃善鳴者也

龜

龜有神靈之性而非盡然者也蓋一有龜而其性不同詩有曰元龜言其大意言大不足以盡之故易有曰元吉有曰大吉而此不曰大也蓋元之爲言始也先也大也人致之以知吉凶之始可先事而得其始也諸侯庭實以爲先列者其先也詩曰我龜既厭不我告猶其靈通乎人而吉凶可以觀也

毛詩名物解卷十三

欽定四庫全書

毛詩名物解卷十四

宋

集解

釋馬

駟 驪 駒 駟 驂 驪 驂

騏 驄 魚 駮 駒 騶

驕 駱 騅 驤 鼻

自駟至鼻

駟陰白也馬火畜也陰白蒙之有因之義因猶姻也驪
黑也馬火畜也麗乎黑也駟青驪也馬火畜也以青為
所生以黑為所麗既得所生又得所麗有育之意駟黃
白雜色也靜而中者黃之道動而變者王之事雜故變
變故大王者大也皇所出也不一而大為丕駟有雜意
驪豪骨也豪覃乎闕驪青驪驪也驪文若鼉駟若綦駟
若葱駟若霞駟若的駟赤烏黑鬣也赤黑闕也以赤闕
黑為得其匹留而不行驕黑馬白胯也白黑母也以白

下黑爲從其子述而不作勝志在隨者也駱白馬黑鬣也爲子勝母雖黑馬白鬣也爲母勝子乖異之道故皆從各母從子者也勝爲上逆故又從佳鼻後足白也右震也震爲作足又爲鼻足其爲作足陽也其爲鼻足陰也陰不動故爲後左白者陰也二者陽也當震之時陰不違陽也故二馬與白同意

毛詩名物解卷十四

欽定四庫全書

毛詩名物解卷十五

宋 蔡卞 集解

雜釋

泉 丘 風 憂 賢人君子

雜解

泉

泉水之上出也故以喻政令下泉是也沆泉不正出之

泉而物所病也故言浸穫薪檻泉正出之泉而物所生也故言采其芹秩秩斯干德澤之流有叙也豐水東注順理者也滌池北流逆理者也泉源水所出而在左卑也淇水泉所歸而在右尊也此尊夫卑已者也淇有岸岸所以自防隲有泮泮所以自辨此悔而反正也

丘

丘者地之高而中者也高臣德也中臣道也黃鳥不得中阿之屈以容則庶得丘隅丘側之苟可以止此大臣

遺忘微賤者楊園之道猗于畝丘楊生於卑濕微臣也
畝丘大臣也以讒言之所搖常自卑以及高邪之所歸
常自下以及上也旄丘前高後下以言衛有初而無後
宛丘四方高而中央下之丘也以言陳有外而無中也
無後謂不能救亂也無中謂蕩而無守也阿丘偏高山
而陟以采蕪憂傷故也丘中不平之地而猶有麻麥李
者言盡地以富之此思賢也

風

凡曰風則又以爲和又以爲暴自和而言之有凱風清風谷風自暴而言之有飄風終風匪風凱以言其樂之情清以言其微之意谷以言其和而容之道孝子慰母心者情也故樂長養之仁以盡其禮吉甫作頌者言也故歌仁言之微以動其意谷風習習和意也陰陽和則雨也然天之道不能常和而欲責人之常和盡人之歡竭人之忠此夫婦之所以道絕也故谷風有以言夫婦有以言朋友終風暴而不止者也故暴而且霾霾而且

噎北風威雨雪虐也所謂並爲威虐也於以動之者風也揭兮飄兮匪風也泉流而有迹故下泉言思治也風動而無形故匪風言思道也飄風發發政令急也卷阿亦曰飄風者君如卷阿之究則賢如飄風之疾至矣

憂

憂瘁病也蓋氣不舒則憊血不榮則瘁瘁者憂之見乎色者也傳曰形容枯槁顏色憔悴蓋顏色黎黑而肌肉黧黧則憔悴矣顏色柔瘠而膚革病瘦則瘁矣凡此皆以

憂故也夫憂之於人也聲發於嘯歌液感於涕泗氣散於永歎形疲於假寐夏之長不能消之於晝冬之久不能消之於夜采蠹之丘而內有不能治植援之背而外有不能忘其苦也有至於荼其毒也有至於藥以實則爲噎以虛則爲飢以爲物所撓則如結以爲物所中則如擣以昏則如醉又至於如醒以煩則如惓又至於如熏其懸也如旌之搖其屬也如棋之奕其烈也如湯其慄也如陰衆焉則隱又慄獨焉則惇又至目之爲昏花

也而有莪蔚之眩耳之爲聽營也而有雷霆之疑以病其體膚也則心爲之使痺以衰其鬢髮也則身爲之用老則憂之害人見於詩多矣豈特顏色之瘁而已哉

賢人君子

凡言仁人言忠臣言德言賢言君子何也柏舟言愛其君之至故所憂不能愬然忘受侮不肯翻然去此仁人者也北門忠其君之至故竄貧推謫之不憫從事已迫而不去以其不可如何而歸之天此忠臣者也人實迂

女則忽之無忠臣者也人實不信則忽之無良士者也
鹿鳴有羣臣有忠臣有嘉賓何也合而言之則所宴莫
非臣也別而言之則示我周行者忠臣也是則是傲者
嘉賓也善未至於德之充也德未至於賢之盡也兔置
椽之丁丁而施之於中達中林言德之隆於始也此莫
不好德者也赳赳武夫公侯干城而至於好仇腹心言
賢之有大於初也此賢人衆多者也簡兮之多能而言
有力如虎之武執轡如組之藝執籥秉翟而不改其赫

如渥赭之容此所以爲賢也考槃之窮處寤言至於歌
之樂寤言至於宿之安然後憂其君而不能自己也故
永矢以絕之此所以爲賢也善人淑人以可欲言之也
美人淑人以充實言之也恭人以禮言哲人以智言君
子合仁智而言也君子以有德有位言也良人不爲惡
而已吉人不爲凶而已宗公所受教者也黃耆所乞言
者也老成人重於典刑者也文王之聖所獨也惠於宗
公所同也宗公人謀也人謀從則鬼謀從故神罔時怨

神罔時恫

雜解上

信足以待諸侯猶柞棫之固葉義足以制諸侯猶紼纚之維舟韎韐士服也服士服而作六師所謂命也韎韐有珌諸侯之服也所謂爵也歲者歲其過戒者戒其不及宣王銳於始而怠於終故庭燎之初歲其過以見於小雅常武之後戒其不及以見於大雅欲則易求則難欲在意求在心欲而不求者有矣未有求而不欲者也

孔子曰我欲仁斯仁至矣五美以爲政欲仁者也輕國
以避地非求仁者不能也詩之辭於國之富每言馬於
物之微每言魚蓋馬賤者也魚微者也言賤以致貴言
微以致著聖人天道之與物交者也神人天道之與物
辨者也大人人道之與物交者也至人人道之與物辨
者也親天屬也據以內恃者也賢人屬也依於內輔者
也謀欲其圖大故曰厥家戒欲其慎小故曰厥士先王
使有瞽在庭者以其聽之審因其能而食焉雖食不廢

也崇牙有主物之意而南方禮樂之會羽南方之屬文王始造者也故其文德昭於始武王續終者也故其武功昭於終文王倡於上武王應於下文王傳於上武王受於下繹之而後明思之而後得酌先祖之道允師之謂矣以養天下爾公之謂也

雜解中

失性以天言失所以地言由之者失其道居之者失其理喜者禮之樂樂者樂之樂藻之爲物潔蒲之爲物柔

據於藻依於蒲雕如木之雕琢如鳥之啄以天命言之
不可易也故太伯能讓以天性言之不可忘也故王季
能友

雜解下

鹿鳴之燕樂主君臣言之也皇華之忠信臣道也燕樂
以言其所交忠信以言其任四牡居二者之間所以備
君臣之道師父道也保母道也傳夫道也父以教之母
以生之夫以扶之裁猶裁者之裁衣範猶範者之範器

園猶園者之園所君子義以爲質仁以爲心禮以爲體
信以爲身身之者信也假之者僞也惠公之驕僖公之
願所謂無禮以體之也

毛詩名物解卷十五